



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Rubricis generalibus Horarum Canonicarum. Cap. I.

**urn:nbn:de:hbz:466:1-40233**

*De Rubricis generalibus Horarum Canonicarum.*

## C A P. I.

**D**E voce Rubrice alibi diximus, initio Commentar. in Rubric. Missalis, Tomo superiore pag. 1.

2 Vsurpata fuit eadem vox prius in Breuiario quam in Missali, & reperitur in editione Veneta Breuiarij ante annum 1550. sed Pius V. inscriptis omnes leges Breuiarij titulo Rubricarum generalium, quod ante non fuerat factum.

3 Paucissimi tamen erant earum Tituli, nempe vndecim tantum, in prima editione iussu Pij V. hausti è Directorio diuini Officij, composito à Ludouico Ciconiolano, Regularis Observantiae, sub Paulo III. qui & Directorium approbavit.

4 Rubricarum additio, detractio, mutatio prohibitur in Bulla Pij V. in his enim est formula data precandi in Breuiario. Quare, si notabiliter Officij diuino iniuriam facis inobseruantia Rubricarum substantialium Officij, grauiter peccas; non ita in accidentarijs accidit Rubricis, puta si sedens recites, quæ flexis genibus iubentur dici, in oratione priuata, secùs esse posset in publica, si absque causa fiat, aut cum aliorum offensione. *Suar. Tom. 2. de Relig. lib. 4. cap. 27. n. 2. & alij apud Bonacin. disp. 1. quæst. 3. pun. 6. num. 1. & 2.*

5 Diuidi nunc Rubricas in tres partes, quas prosequar in proximis & distinctis Sectionibus. Aliæ spectat ad totum integrum Officium; quod est vel Duplex, vel Semiduplex, vel Simplex, vel Dominicale, vel Feriale, vel

de Vigilia, vel de Octaua, vel de Oficio S. Mariæ in Sabbato, vel pro Oficio Commemorationem habet, vel concurrit cum alio, vel occurrit, ita ut alterius accidat Translatio: de quibus agitur in Breuiario primis vndecim Titulis seu Capitibus. Aliæ continent titus proprios maiorum partium, hoc est Horarum, Officij, de quibus à Titulo 13. usque ad 18. inclusuè, Matutini scilicet, Laudum, Primæ, Tertiæ, Sextæ, Nonæ, Vesperarum & Completorij. Aliæ denique versantur circa partium partes, ex quibus ipsamet Horæ componuntur, nempe Oratio Dominica, Salutatio Angelica, Symbolum Apostolorum, initium Horarum, Inuitatorium, Hymni, Antiphonæ, Psalmi, Cantica, Versus, Absolutiones, Benedictiones, Lectiones, Responsoria, Capitula, Orationes, Hymnus *Te Deum*, Symbolum Athanasij, Preces, Suffragia Sanctorum, Antiphonæ beatæ Mariae finales, de quibus in Rubricis Breuiarij à Titulo 19. ad Titulum 36.

*De Duplici Officio. CAP. II.*

**V**arietas Officij & Festorum inde est, quia stella, secundum Apostolum, differt à stella in claritate; & quia, ex Dionysio Areopag. Ecclesiastica Hierarchia representat aliqualiter in suis actionibus cælestem Hierarchiam, in qua Sancti secundum meritum diuersitatem disponuntur; ideo ad hoc representandum varietas Officiorum diuersorum in Ecclesia reperitur. Hæc Durand. in Ration. lib. 7. cap. 1.

2 Hæc vox Duplex apud Durand. loco cit. habetur, apud antiquiores non habetur; & ex eodem Durando significat,